

MME ANDITIŃ NTIŃ-NNIM IKỌ ABIAŃA EKE UKPEREDEM INI

2 Peter 2:1-22

ỌYỌHỌ UKPEP-ŃKPỌ 455

Eke Mkparawa

IKỌ IBUOT: “Ekama enyin ese mmọ emi etọde ubahare ke otu mbufo, enyuñ enamde ńkpọ esin owo eduọ, minyuñ isañake ikekem ye erikpep eke ekekpepde mbufo ete enam. Edianare ekpọñ mmọ” (Nwede Mbon Rome 16:17).

Edisana Ikọ Abasi

Abasi ikemeke ndisu nsu. Mmọ emi emade Enye efiok ete ke kpukpru ikọ ke Nwede Abasi edi akpanikọ, ńko ke kpukpru se ekewetde do edi se Edisana Spirit akadade mme andiwet usuñ ndiwet. Ata nditọ Abasi enim mme ukpep-ńkpọ Nwede Abasi ke akpanikọ. Inyuñ idighe ndinim ke akpanikọ ikpọñ; edi mmọ enanam mme ukpep-ńkpọ oro enyuñ eda edu uwem.

Mme Anditiñ Ntiñ-nnim Ikọ Nsu

Edi ediwak owo edu ke ererimbot emi edọhọde ete ke mmimọ imonim Nwede Abasi ke akpanikọ, edi mmọ ekpep enyuñ ekwọrọ mme ńkpọ emi atuahade ye Ikọ Abasi. Ke ntre, ekpan nnyin ndikpañ utọñ nnọ mme anditiñ ntiñ-nnim ikọ nsu, man nnyin ikunim nsu ke akpanikọ inyuñ itọñ ndisuan nsu-nsu ukpep-ńkpọ.

Akpa anditiñ ntiñ-nnim ikọ nsu emi nnyin ikotde ke Nwede Abasi ekedi uruk-ikọt, emi akakade ke ọtọ Eve ke Iñwañ Eden. Abasi ama ọdọhọ Adam ye Eve ete ke edieke mmọ edidiade mfri eto emi odude ke ufọt iñwañ ke mmọ eyekpa. Oro ekpedi enyene-ndik ufen. Ama okpon akan ikpohidem mmọ ndikpa. Mmọ ema ekpa ke spirit enyuñ ebiat ebuana mmọ ye Abasi, Abasi ikafiakke idi idisaña nnyuñ nneme nneme ye mmọ. Urukikọt ọkọdọhọ ete, “Mbufo idikpaha.” Mmọ ema enim urukikọt ke akpanikọ ekan Abasi, ndien ema ebin mmọ esio ke Iñwañ. Tọñ ke ini oro ka iso, nsu-nsu mme ọkwọrọ-ikọ ye mme andikpep emi edọhọde ete ke Abasi ọdọñ mmimọ ema ewọrọ edu, edi mmọ itiñke akpanikọ. Edieke owo ekededi ọkwọrọde me ekpepde ńkpọ emi mikemke, onyuñ ańwanade ye se ewetde ke Nwede Abasi, enye edi osu-nsu.

Abiaña

Ekeme ndidi anditiñ ntiñ-nnim ikọ nsu ama ọbọ erinyaña ini kiet ko; ekeme ndidi enye ama esikwọrọ akpanikọ Abasi. Edi edieke enye asañade ndibe-ndibe edi ndikpuhọre ukpep-ńkpọ Nwede Abasi, enye edi anditiñ ntiñ-nnim ikọ nsu. Dianare kpọñ enye, Konyuñ unyene ebuana ye enye. Enye ada “ukpep-ńkpọ nsobo” edi, ndien edieke afo ọbọde, eyeda fi aka nsinsi nsobo.

Edisin Esit Ke ńkpọ Owo

Anditiñ ntiñ-nnim ikọ nsu akañ Ọbọñ emi ekedepde enye, kpa Ọbọñ emi ọkọduokde Iyip Esie ọnọ enye. Enye akañ Ọbọñ ke ndikpuhọre Ikọ Esie. Enye akañ Ọbọñ ke ndinam idiok-ńkpọ, edi osuk ọdọhọ ete ke imọ idi anditiñ ntiñ-nnim ikọ Abasi. Mbon ererimbot ese uwem mme anditiñ ntiñ-nnim ikọ nsu ndien ekere ete ke Itie-ukpono Abasi Jesus ọyọhọ ye mbon mbubik, ndien etiñ idiok ikọ edian.

Mme anditiñ ntiñ-nnim nsu emi edi mme esin esit ke ńkpọ owo; ndusuk mmọ eyom okuk; ndusuk eyom mme owo etoro mmọ; ndusuk eyom mme owo ekut mmọ nte mme ikpọ ọkwọrọ-ikọ. Ke nnem-inua ye ikpikpu ikọ mkpon inua, mmọ eda ukpọñ mme owo “enam mbubine” enyuñ eda usọp-usọp nsobo esok idem mmọ ye mme anditiene mmọ, oro edi ubierikpe Abasi emi ọkọñode mmọ ke etiñ-ibuot ye mbeñe idem ndiduọ ntọ mmọ ke ini ekededi.

Ubierikpe Emi Anade Nte Edi

Ndisọhọ nte ke ubierikpe Abasi iditreke nditiene mme idiok owo, okposuk edi mmọ enimde idem ke ndinen owo, Peter, isuñ-utom etiñ ete ke ini mme angel emi ekedude ke Heaven ekeduede; Abasi ọduok mmọ ke hell, onyuñ esin mmọ ke mkpọkọbi ke ekim ebet usen ikpe.

Ke akani ererimbot ke ini Abasi okokutde nte idiok-ńkpọ owo okponde, nte ekikere esit esie edide idiok kpukpru ini, Enye ama ọdọñ Mmọñ-ukwọ ndisobo ererimbot mme idiok owo.

Ke ini mbon obio Sodom ye Gomorrha ekediokde eti-eti tutu Abasi ikemeke ndikut ndinen owo duop ke otu mmọ, Enye ama ọdọñ ikañ oto Heaven ọkọfọp mmọ tutu mmọ ekabare ntọñ.

Nte afo okotde mme ikọ emi eyekut ete ke Abasi ama afak Noah ye Lot koro mmọ ekedide ndinen owo. Abasi ọnwọńọ ndinyaña mmọ emi ebakde Enye, edi ubierikpe Esie eyedoro mme idiọk owo emi minyimeke ndikabare esit nyom mbom, okposuk edi mmọ ewutde idem nte mme ọkwọrọ Eti-mbuk. Edi mmọ eke emumde Nwede Abasi ekama nte nda-usuń enyuń enamde akpanikọ ke ndinim mme ukpep-ńkpọ esie, Abasi eyefak. Enye eyenyaña mmọ osio ke ńkari mme anditiń ntiń-nnim ikọ nsu, eyenyuń anyaña mmọ osio ke mme ubierikpe emi edinwańade eduok mme idiọk owo ke idem.

Ukpep-ńkpọ Akpanikọ

Nwede Abasi edi nwede ukpep-ńkpọ nnyin. Nte nnyin ikotde enye kpukpru usen inyuń ibońde akam ibeńe Abasi ndiwet mme ukpep-ńkpọ esie ke esit nnyin, nnyin iyedińọ, mme ukpep-ńkpọ esie, emi ewetde ndusuk mmọ mi:

ERIKABARE ESIT Kpukpru owo enyene ndikabare esit, nnyuń ńwọńọre ńkpọń mme idiọk-ńkpọ man enyaña mmọ (Matthew 3:2).

EDINEÑERE UKWAÑ USUÑ Enye enyene ndineñere ukwań usuń esie; enye enyene ndida se enye okoyipde ńkayak, midighe ekpe okuk; enyene ndibeńe erifen ke nsu ekededi eke enye okosude (Leviticus 6:1-5).

ERINYAÑA Ke ini enyańade ukpọń esie, enyaña enye esio ke ndinam idiọk-ńkpọ. Enyaña enye oto mbuotidem ke Iyip Jesus (Nwede Mbon Rome 3:25), ndien enye inamke aba idiọk-ńkpọ (1 John 3:8, 9). Edieke enye anamde idiọk-ńkpọ ke ema ekenyaña enye, enye inyeneke erinyaña aba; enye afiak edem onyuń odu ke usuń hell ibońọke enye akabare esit.

EDINAM-ASANA Abasi ọdọhọ ete “Mbufo edisana; koro Ami ndide Edisana” (1 Peter 1:16). Ke ini owo ama ọkọbọ erinyaña, enye enyene ndibọ edinam-asana oto ke saña-saña utom mfọn emi odude ke Iyip Jesus. “Etiń enyin esaña ke emem ye kpukpru owo; enyuń esaña ke edisana ido; koro esiode oro efep, baba owo kiet idikwe Ọbọń. Etim ese mbak owo ekededi editaba mfọn Abasi; mbak oruń eke edide ndot-ndot editibe otimere mbufo, onyuń asabare ediwak owo ke otu mbufo” (Mme Hebrew 12:14, 15).

UDUOK-MMỌÑ EDISANA SPIRIT Ke ini mbet 120 ekebode uduok mmọń Edisana Spirit ye Ikań ke usen Pentecost, Peter, isuń-utom ama ọdọhọ ete, “Uńwọńọ oro enyene mbufo ye nditọ mbufo ye kpukpru mmọ emi edude nsan-nsan adaña owo nte Jehovah Abasi nnyin edikotde etiene Enye” (Utom Mme Apostle 2:39).

ERIKỌK EMI OTODE ODUDU ABASI Abasi edi ọkọk-udọńọ nnyin, ndien nnyin inyene ndibuot idem ye Enye ke ini idońode. “Nte owo ọdọńọ ke otu mbufo? Yak enye okot mbiowo ufok-Abasi; mmọ enyuń enuhọ efuk enye ebọń akam, eda aran eyet enye ke enyiń Ọbọń: ndien akam mbuotidem eyenyaña enye emi ọdọńode, Ọbọń eyenyuń anam enye adaha ada” (James 5:14, 15).

ERIDI JESUS Jesus ke afiak edi ke ererimbot. Ke akpa idaha, Enye ke edi ke ikpa-enyoń nditań mmọ emi emade Enye enyuń enamde kpukpru se mmọ edińode emi Nwede Abasi etemedede mmọ ndinam (1 Nwede Thessalonica 4:17). Ke ini mme anam-idiọk edisuhode ke ererimbot ndibọ ufen ke ini Akwa-ukut, oro edi ini ubierikpe Abasi (Matthew 24:21). Ke oro ebede Jesus eyefiak edi ke ererimbot ye ndisana ikot Esie ndikara ke tosin isua (Eriyarare 20:4).

AKWA AFIA EBKPO UBIEKPE Ubierikpe emi ebet kpukpru mmọ emi minyimeke ndibọ erinyaña (Eriyarare 20:11, 12). Ke oro ebede ererimbot emi eyebe efep ndien obufa enyoń ye obufa isọń eyeda itie (2 Peter 3:13).

NSINSI HEAVEN YE NSINSI HELL Nsinsi Heaven odu (Eriyarare 22:14), ye nsinsi hell (Luke 16:22-26; Eriyarare 14:11) emi asakde ye “nsinsi ikań” (Mark 9:43).

EDISIO KE NDỌ NTỌÑỌ NTAK NDỌ EFEN IDUHE Ibet ndọ ọbọp ńwan ye ebe adian adaña nte mmọ edude uwem. Edisio ke ndọ nnyuń ndọ owo efen ke ini enye eken osuk odude ke uwem iduhe (Nwede Mbon Rome 7:2, 3).

UDUOK-MMỌÑ EMI EBKDEBUK OWO KE MMỌÑ Uduok-mmọń edi ubiọń ye utom emi owo emi ọbode erinyaña enyenede ndinam. Ndina uduok-mmọń edi ndibuhọ nnyuń ńwọrọ ke mmọń nte Jesus akanade ke ubok John (Matthew 3:16). Ndien owo kiet-kiet enyene ndina uduok-mmọń “ke enyiń Ete ye Eyen ye Edisana Spirit” (Matthew 28:19), nte Jesus okowukde mbet Esie.

UDIA QBQÑ Jesus ke Idem Esie okonq mbet Esie ewuhq emi (Matthew 26:26-28) ndien nte nnyin itade uyo inyuñ iñwoñde mmqñ grape, mbiet ikpohidem Jesus emi okobuñode ye Iyip Esie emi okoduohode, nnyin inam oro nditi mkpa emi Enye akakpade ke kros onq nnyin (1 Nwedi Corinth 11:24).

EDIYET MBET UKOT Jesus ekekpem ewuhq emi ke ndino uwut-nkpq ke Idem Esie, onyuñ odohq “Edieke Ami ndien, emi ndide Qbqñ ye Andikpew, nkeyetde mbufo ukot, mbufo nde ekpewet kiet eken ukot. Koro mmqñ mbufo uwut-nkpq nte, mbufo nde enam kpa nte Ami nkanamde mbufo” (John 13:14, 15).

Nsu-nsu Mme Etiñ Ntiñ-nnim Ikq

Edieke owo ekededi edide ke otq fo edidoho ete imq idi anditiene-Christ, me okworo Eti-mbuk, onyuñ enyik fi ndinim nte ke kiet ke otu mme ukpew-nkpq Nwedi Abasi idighe akpan nkpq; me akpana ekpuhore, enye edi anditiñ ntiñ-nnim ikq nsu. Kukpan utqñ uq enye, dianare kpqñ enye.

Mmq emi ekpande utqñ enq enye, ke enye atap onyuñ odomo ndiduri nwoñore nda ye nsunsu enwoñq ubohq, ke ini enye ke idem esie qbqbode adiana ye Satan. Ekeme ndidi enye ama enyene erinyaña ini kiet ko; ekpededi nte, enye ama afiak edem ndien ama otibe onq enye nte nke akpanikq odohode ete; “Ebua akabare adia se okpohide; Edi eke ekeyetde mmqñ afiak aka ndiwere ke mbat.”

MME MBUME

- 1 Didie ke mmq etqñ “esen ukpew-nkpq mmq eke osobode ukpqñ owo”?
- 2 Nso edi esen ukpew-nkpq?
- 3 Didie ke mme anditiñ ntiñ-nnim ikq nsu ekañ Qbqñ?
- 4 Didie ke nnyin ifioke ite ke mme ubierikpe Abasi eyedoro kpukpru mme idiok owo ke idem?
- 5 Nso oruk owo ke enyaña esio ke idomo?
- 6 Siak enyiñ anditiñ ntiñ-nnim ikq nsu emi ukpew-nkpq emi etiñde abaña.
- 7 Nso oruk ufin ke mme anditiñ ntiñ-nnim ikq nsu edu ke esit?
- 8 Ewe nke owut enyene ndik utit mbon mfiak-edem?